



# ქალაქ თბილისის მუნიციპალიტეტის მერია შპს თბილსერვის ჯგუფი

TBILISI MUNICIPALITY CITY HALL  
TBILSERVICE GROUP LTD



წერილის ნომერი: 62-01183031057  
თარიღი: 30/10/2018  
პინი: 6701

ადრესატი: საქართველოს გარემოს დაცვისა და სოფლის მეურნეობის  
სამინისტრო  
მისამართი: გ.გულუბას ქუჩა 6

გადაამოწმეთ: [document.municipal.gov.ge](http://document.municipal.gov.ge)

## საქართველოს გარემოს დაცვისა და სოფლის მეურნეობის მინისტრს ბატონ ლევან დავითაშვილს

ბატონო ლევან,

ჩვენს 25.10.2018 წლის N 62-01182982963 წერილზე, ქ. თბილისის მყარი საყოფაცხოვრებო ნარჩენების პოლიგონის პროექტში შეტანილი ცვლილებების პროექტზე სკრინინგის განაცხადთან დაკავშირებით, დამატებით გაცნობებთ შემდეგს:

ქ. თბილისის მყარი საყოფაცხოვრებო ნარჩენების პოლიგონის მშენებლობის და ექსპლუატაციის პროექტში შეტანილი ცვლილებები, კერძოდ: პროექტით გათვალისწინებული ერთი დიდი მოცულობის უჭრედის ნაცვლად, მცირე მოცულობის სამი უჭრედის მოწყობა, ასევე უჭრედის ძირის და გადახურვის ჰიდროიზოლაციის ფენის მოსაწყობად გეომემბრანის ნაცვლად, ბენტონიტის საფუძველზე დამზადებული ჰიდროსაიზოლაციო ფენის გამოყენება და ყოველდღიურად შეტანილი ნარჩენების ფენის დასაფარად გრუნტის ნაცვლად სპეციალური საიზოლაციო საშუალებების გამოყენება, გარკვეულად ცვლის პოლიგონის მიმდინარე საქმიანობის ტექნოლოგიურ ციკლს და შესაბამისად მნიშვნელოვნად იცვლება პოლიგონის ექსპლუატაციის პირობები, რაც საქართველოს კანონის „გარემოსდაცვითი შეფასების კოდექსი“-ს მე-5 მუხლის, მე-12 პუნქტის შესაბამისად, წარმოადგენს სკრინინგის პროცედურას დაქვემდებარებულ საქმიანობას;

გარდა აღნიშნულისა გაცნობებთ, რომ ქ. თბილისის მყარი საყოფაცხოვრებო ნარჩენების პოლიგონის განთავსების ადგილის ზუსტი მისამართია, გარდაბნის მუნიციპალიტეტი, სოფ. ნორიო (საკადასტრო კოდები: 81. 09. 33. 399 და 81. 09. 33. 400).

ლევან ჭლარკავა

შპს "თბილსერვის ჯგუფი"-დირექტორი

გამოყენებულია კვალიფიციური ელექტრონული ხელმოწერა/ ელექტრონული შტამპი

